



Publicaziuns dalla vischnaunca, jamna 02

Cussegl da vischnaunca

Il cussegl da vischnaunca seraduna **gliendisdis, ils 21 da schaner 2019**, allas 20.15 el Center sursilvan d'agricultura a Salaplauna.

Tractandas:

1. Protocol 16-2017/2020
2. Center da sport e cultura: Orientaziun davart las adattaziuns dil project per ina sanaziun cumplessiva
3. Interpellaziun nr. I 1-2017/2020: Risposta
4. Ura da damondas (conform ad art. 44 dil regulativ da fatschentas)
Il president dil cussegl da vischnaunca

Scheis Vus encrescher per la patria?

Lu s'annunziei tier «SRF bi de Lüt – Heimweh»

La Televisiun Svizra SRF enquera per la producziun da sia secunda stoffa dalla documentaziun «SRF bi de Lüt – Heimweh» persunas che retuornan dil lontan ni eifer la Svizra anavos en lur patria nativa. Encuretg vegnan persunas che fan quei pass ils proxims meins entochen igl uost 2019.

SRF documentescha persunas che retuornan en lur liug d'origin. Il format dalla seria da documentaziun ha quater episodas da 45 minutas, l'emprima emissiun vegn emessa naven dil settember 2019.

Sche Vus haveis interess da cumbinar Vies retuorn a casa cun in project da televisiun, lu s'annunziei tier SRF sut www.srf.ch/sendungen/srf-bi-de-luet ni directamein tier julie.hedinger@srf.ch, tel. 044 305 62 72.
Administraziun communal

Appel als possessurs da tgauns

Adina puspei constatein nus che tgauns spassegian libramein e senza survegionza pil vitg e la cuntrada entuorn. Ultra da quei observein nus savens ch'ils satgets cun excrements da tgauns vegnan tratgs sils praus e sin las pastiras e deponi ordeifer ils recipients (robidogs) destinai per quei intent.

Sebasond sin art. 18 dalla lescha d'agricultura sco era las prescripziuns generalas eis ei scumandau da schar ir libramein ils tgauns. Surpassaments encunter las prescripziuns dalla lescha d'agricultura san vegnir puni entras la suprastanza communal.

Nus supplichein tuts possessurs da tgauns da survegilar lur tgauns. Plinavon appellein nus da far diever dils satgets per excrements sco era dils recipients (robidogs) che stattan a disposiziun. Plinavon supplichein nus ils possessurs da tgauns d'evitar che lur tgauns fan lur dabasegns (marcheschan) vid las fatschadas da casas e baghetgs da tiarzas persunas.

Bien engraziament per Vossa capientscha.
Suprastanza communal

Controlla da habitonts

Directivas

Sebasond sin art. 13 entochen 17 dalla lescha cantunala davart ils registers da habitontas e habitonts e davart ulteriurs registers da persunas e d'objects, supplichein nus da risguardar suandontas prescripziuns:

Partenza/midadas d'adressas

Persunas che bandunan nossa vischnaunca ein obligadas d'annunziar lur partenza ordavon cun retrer lur scartiras tier l'administraziun communal. El medem mument ei la retschevida dallas scartiras da returnar.



Midadas d'adresa enteifer la vischnaunca ein d'annunziar all'administraziun communal a enteifer 14 dis. Questa obligaziun d'annunzia vala era per midar adresa enteifer il medem edifeci.

Locataris

Locataris da habitaziuns e casas ein obligai d'annunziar mintg'arrivada ni partenza d'affittaders enteifer 14 dis all'administraziun communal a.

Commerci

Tgi ch'arva ni siara ina fatschenta ni in menaschi commercial ei obligaus d'annunziar quei fatg enteifer 14 dis all'administraziun communal a.

Lubientscha da jasters

Persunas digl'exteriur ston inoltrar ad uras all'administraziun communal a la damonda da prolungir la lubientscha da dimora.

Obligaziun d'annunzia/deponer las scartiras

Tgi che pren domicil en nossa vischnaunca ha d'annunziar si'arrivada enteifer 14 dis tier la controlla da habitonts Disentis/Mustér. Per l'annunzia ei da deponer il scret da patria ni en cass motivai sco dimorant d'uront la jamna in attest da domicil.

Per persunas ch'ei buca da naziunalitad svizra ein il passaport ni la carta d'identitad, ina confirmaziun dalla cassa da malsaus svizra e sche gia avon maun, la lubientscha dajasters, necessaris.

Formulars

Differents formulars per far las annunzias alla controlla da habitonts anfleis Vus sin nossa pagina d'internet www.disentis.ch/Downloads/Spurtegl_virtual/Controlla_da_habitonts.

Bien engraziament per Vossa cooperaziun.

Administraziun communal a

Naschientschas

Fabio Rafael Demont, naschius ils 15 da december 2018 feagl da Simona e Simon Demont

Lenia Huonder, naschida ils 17 da december 2018 feaglia da Michaela ed Adrian Huonder

Purschida gratuita

La vischnaunca da Mustér porscha era uonn a ses habitonts la pusseivladad da visitar gratuitamein la Casa da traffic a Lucerna, www.verkehrshaus.ch. Al spurtegl dall'administraziun communal a sa per mintga di digl'onn vegnir retratg **tschun entradas gratuitas**. En quella purschida ei cunteniu:

- entrada gratuita ella Casa da traffic a Lucerna
- 10% rabat sin biars artechels ella stizun dil museum

Co fuss ei da far inagada in'excursiun a Lucerna, forsa gest cun nezegiar la carta dil di per viagiare cun quasi tut ils mieds da traffic publics en Svizra? Dapli informaziuns retscheveis Vus tier l'administraziun communal a Mustér (tel. 081 920 36 36 ni e-mail: admin@disentis.ch).

Nezegei quella purschida e passentei in bi di en Svizra Centrala. *Administraziun communal a*



Scola da musica

Ritmica per affons pigns (annada 2013 e 2014)

Nus cantein e sunein en gruppa.

Liug: Mustér, adina mardis naven dallas 14.20–15.10

12.2., 19.2., 5.3, 12.3., 19.3., 26.3., 2.4. e 9.4.2019

Aunc buc annunziau, negin problem! Bugen spitgein l'annunzia tochen ils 5-2-2019.

Formulars ed ulteriuras informaziuns:

www.bzs-surselva.ch 081 926 25 10, admin@bzs-surselva.ch

Center da formaziun Surselva CFS

Cinema Salaplauna

«Ága» (BUL 2018)

Mittwoch, 16. Januar / Center sursilvan d'agricultura, Disentis/Mustér. Der Rentierjäger Nanook und seine Frau Sedna leben zusammen in der erbarmungslosen Eiswüste des Nordens. Die atemberaubenden Panoramaaufnahmen und die genaue Beobachtungsgabe des Regisseurs ermöglichen einen Einblick in das Leben von Rentierjägern am Polarkreis. Türöffnung 19.30 Uhr, Filmstart 20 Uhr. Eintritt frei, Kollekte.

Papst Franziskus – ein Mann seines Wortes (USA 2018) Mittwoch, 23. Januar / Center sursilvan d'agricultura, Disentis/Mustér. Umwelt, soziale Ungleichheit, Armut und Krieg – zu all diesen Themen äussert sich Papst Franziskus im Filmportrait «Ein Mann seines Wortes». Dafür folgte der Regisseur Wim Wenders dem Papst bei seinen Reisen um die Welt. Türöffnung 19.30 Uhr, Filmstart 20 Uhr. Eintritt frei, Kollekte.

Tagung/Kurs: Homöopathie für Nutztiere

Montag, 28. Januar 2019, 9–16 Uhr/Center sursilvan d'agricultura, Disentis/Mustér

Kursleitung: Dr. med. vet. Erwin Vincenz

Programm: Allgemeines zur homöopathischen Therapiemethode, Jungtierkrankheiten und Mastitis, Erfahrungsaustausch und Fragen. Anmeldung: bis am Mittwoch, 16. Januar 2019, unter info@agricultura.ch oder 081 936 48 00

Biblioteca populara Disentis/Mustér e contuorn

Oz en la biblioteca Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs?

Mintga secund venderdis dil meins allas 14.30 legin nus avon e mussein vid ina gronda preit ils maletgs ord in cudisch da maletgs.

L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna.

Nus selegrein zun fetg sin tei! Cun ils pli cars salids

Mats, la miur ed il team

dalla Biblioteca populara Disentis/Mustér e contuorn



Uniun gimnastica da dunnas Mustér

Fuffergnadi da bamupi per novizs dall'annada 2016 Haveis vus mummas/babs cun vies affon dall'annada 2016 tschaffen da fuffergnar in'ura da moviment e legria en emperneivla cumpignia? Lu envidel jeu vus cordialmein per in'ura da fuffergnadi da bamupi.

Cu: **gievgia, ils 17 da schaner 2019**

Uras: 9.00–10.00

Nua: Center da sport, Mustér

Resti: trainer e tschappas sche pusseivel

Bugen prendel encunter las annunzias tochen ils 13-1-2019 sut 081 936 43 86 ni riccardaflury@yahoo.de

Sportivs salids, l'uniun gimnastica da dunnas Mustér

La menadra da bamupi, Riccarda Flury-Casanova

Giuventetgna Cadi – Stop Mobbing

Mesjamna, ils 16-1-2019 a Mustér, Halla Cons. Referat davart la tematica mobbing cun Marcus Corai dalla polizia cantunala Grischuna – prevenziun criminalitad da juvenils. Era in juvenil pertuccau ei presents e raquenta da sias experientschas fatgas duront siu temps da scola. Biars ein pertuccai da mobbing, seigi quei en scola ni al plaz da lavur. Forsa sa quei referat dar empau sclariment e dar impuls, tgei ch'ins sa far ni nua ch'ins sa sevolver en ina tala situaziun.

Tuts ein cordialmein envidai.

Promotura da giuventetgna *Gabriela Cabalzar*

Invitaziun Seniors-CaNorta

(Star da cumpignia – giugs – raschunar)

Gievgia, ils 17 da schaner 2019. Il liug da sentupada per seniors/senioras, allas 12.15 meisa da miezdi (mira giusut) ni allas 13.45 star da cumpignia, discuors, giugs: troccas, jass, sudoku... ni pli tard per ina cuorta sentupada.

Seniors-Ca e Puntreis

Meisa da miezdi organisada

Entschatta: allas 12.15 en Puntreis

Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di alla Puntreis (tel. 081 929 56 56). La meisa da miezdi ei aviarta per mintgin/a.

Post d'informaziun *Seniors-Ca*

Uniun samaritana Mustér

Radunonza generala

La radunonza generala statutarica ha liug **venderdis, ils 18 da schaner 2019** allas 19.30 el «Hotel Alpsu» a Mustér.

Cordialmein envida *la suprastonza*



Café da sentupada/Begegnungscafé

Um einander besser kennenzulernen und den Asylsuchenden die Möglichkeit zu bieten, deutsch zu sprechen, werden immer wieder Begegnungen mit den Asylsuchenden aus dem Transitzentrum Bellavista organisiert. Alle sind herzlich eingeladen am **Montag, 21. Januar 2019**, von 17–19 Uhr im Gemeindezentrum Aua Viva in Disentis dabei zu sein.

Uniun da dunnas Disentis/Mustér

Radunonza generala, **venderdis ils 1 da fevrer 2019** allas 19.30 el «hotel Alpsu».
Cordialmein envida *la suprastonza*